

續輯均州志卷之六

壇廟志敘

穆穆鬼神爲德其盛典禮攸隆殊事合敬祀準五義奧接三才報功饗德奔走偕來神歆以類民祀以族肝鬻通誠人胥受福勿沿楚巫敬共明神神道設教與古維新於是首紀壇廟著

國家禮經次臚寺觀存太和勝蹟其古刹禪林均爲附錄志壇廟

社稷壇在城北二里西岡屯小石橋西壇地七畝明

續輯均州志

卷之六

壇廟

洪武元年頒郡邑壇制建於北郊左社右稷十一年定爲同壇合祭

國朝因之乾隆二年

勅修壇制甃甃爲之縱橫二丈五尺高二尺一寸四出陛各三級繚以周垣門北向石圭一長二尺五寸方一尺埋於壇南正中神牌二以木爲之臨祭設於壇曰州社之神州稷之神歲春秋仲月上戊日致祭

祭品



帛一 黑色 羊一 豕一 鉶一

簋二 簋二 籩四 豆四

祝文

惟

神奠安九土粒食萬邦分五色以表封圻育三農而  
蕃稼稽恭承守土肅展明禋茲屆仲春秋聿修祀典  
庶九九松柏鞏磐石於無疆翼翼黍苗佐神倉於  
不匱尙饗

神祇壇在城南二里許三元宮前壇地六分餘南北

續輯均州志 卷之六 壇廟

朝以前皆以廟隋始為壇分祀之明洪武二年令  
風雲雷雨合為一壇六年又以境內山川合之八  
年又以城隍合之

國朝因之乾隆二年奉

勅繕修壇制與社稷壇同每歲春秋仲月擇吉合祭

風雲雷雨居中 帛四 白色

山川居左 帛二 白色

城隍居右 帛一 白色

祝文



惟

神贊襄天澤福佑蒼黎佐靈化以流形生成永賴乘  
氣機而鼓盪溫肅攸宜磅礴高深長保安貞之吉  
憑依鞏固實資捍禦之功幸民俗之殷盈仰

神明之庇護恭修歲祀正值良辰敬潔豆籩祇陳牲  
幣尙饗

按古諸侯不得僭祀上帝故有社無郊風雲雷  
雨爲天地之功用實出於境內山川故後世郡  
縣官皆得與社稷壇春祈秋報

續輯均州志

卷之六

壇廟

三

先農壇在南關外呂祖祠前乾隆二年

勅修壇制與社稷壇丈尺同前爲門中建壇壇後建祠  
三楹中供先農神位牌高二尺四寸廣六寸座高  
五寸廣九寸五分東貯祭器農具西貯耜田米穀  
配房二東買辦祭品西住看守農民耜田九分每  
歲仲春亥日巳時祭先農午時耕藉知州秉耒佐  
屬執青箱播種耆老一人牽牛農夫二人扶犁農  
童六人唱農歌九推九反農夫終畝雍正十三年  
奉文先農壇文官主祭外其大小武職官亦分班



行禮習知耕藉鉅典

祭品

帛一 白色

羊一

豕一

鴈一

簋二

簋二

籩四

豆四

祝文

惟

神肇興稼穡粒我蒸民頌思文之德克配彼天念率  
育之功陳常時夏茲當東作咸服先疇洪惟  
九五之尊歲舉

續輯均州志

卷之六

壇廟

四

三推之典恭膺守土敢忘勞民謹奉彝章聿修祀事惟  
祈五風十雨嘉祥恆沐於

神庥庶幾九穗雙歧上瑞頻書於大有尙饗

耕藉器物

農具一 赤色

牛一 黑色

耔種一 青色

按此所謂先農卽月令中八蜡之農與司嗇非  
歷代帝王廟所祀神農也有此壇與八蜡祭故  
祭社稷時不奉以爲配其社稷壇之稷註云穀  
神亦卽八蜡中之百種非周祖后稷也



常雩祭乾隆七年奉文各府州縣每歲孟夏月辛日致祭以祈時雨擇見壇行禮不必另建

厲壇在州北二里每歲清明日七月望十月朔請城隍之神出主其祭榜無祀鬼神分祀之

祭品

羊三

豕三

飯米三石

香 燭 酒 紙

關帝廟在宗海門內為歲時致祭之所原建年月無考乾隆二十六年知州張炎重修咸豐四年升入

續輯均州志

卷之六

壇廟

五

中祀每歲春秋仲月及五月十三日致祭七年奉上諭頒發萬世人極匾額又一在南門內一在西門內迤北一在北門內一在城外大校廠一在城南五里一舊在保安門外咸豐七年知州吳嗣仲移建宗海門城上題曰永清樓

祭品

帛一 白色

牛一

羊一

豕一

登一

釧二

簋二

簋二

籩十

豆十



樂章

格平之章

迎神

懿鑠兮焜煌

神威靈兮赫八方偉烈昭兮累禋祀事明兮永長達  
精誠兮黍稷馨香儼如在兮洋洋

翊平之章

初獻

英風颯兮

神格思紛羽蓋兮龍旂斄桂醕兮盈卮香始升兮明  
粢惟降鑒兮在茲流景祚兮翊昌時

續輯均州志

卷之六

壇廟

六

恢平之章

亞獻

觴再酌兮告虔舞干戚兮合宮懸歆苾芬兮潔蠲  
扇巍翼兮

神功宣

靖平之章

終獻

鬱鬯兮三申羅邊盞兮畢陳儀卒度兮肅明禋  
神降福兮宜民宜人

彝平之章

徹饌

物惟備兮咸有明德惟馨兮



神其受告徹兮禮終罔咎佑我家邦兮孔厚

康平之章 送神奏其一 望燎奏其二

幢葆葳蕤兮

神聿歸馭鳳軫兮驂虬駢降煙熅兮餘飴馡願回靈

盼兮德洽明威其一

焜蒿烈兮燎有輝

神光遙燭兮祥雲霏祭受福兮茂典無違庶揚駿烈

兮永奠曷幾其二

祝文

續輯均州志

卷之六

壇廟

七

惟

帝星日英靈乾坤正氣允文允武紹聖學於千秋至

大至剛顯神威於六合仰聲靈之赫濯崇典禮於

馨香茲當仲春用昭時饗惟祈

昭格克鑒精虔尙饗

五月十三日祭品

帛一白色

牛一

羊一

豕一

果五盤

祝文



惟

帝九宇承庥兩儀合撰崧生嶽降溯誕聖之靈辰日  
午天中屆恢台之令序聰明正直壹者也千秋徵  
肝嚮之隆盛德大業至矣哉六幕肅馨香之薦爰  
循懋典式展明禋苾芬時陳精誠

鑒格尚饗

後殿咸豐六年奉

上諭追封三代王爵咸豐十一年知州熊登瀛籌修

光昭王正中南向

續輯均州志

卷之六

壇廟

八

裕昌王東一室南向

成忠王西一室南向

祭品

帛一 白色

羊一

豕一

邊八

豆八

祝文

惟

王世澤貽庥靈源積慶德能昌後篤生神武之英善  
則歸親宜享尊榮之報列上公之封爵



錫命優隆合三世以肇禮典章明備恭逢諏吉祇事薦

馨尚饗

五月十三日祭品 不用牛餘與正殿同

祝文

惟

王迪德承家累仁昌後崧生嶽降識毓聖之有基木  
本水源宜推恩之及遠封爵特超於五等馨香永  
薦於千秋際仲夏之屆時命禮官而將事惟祈

昭格鑒此精虔尚饗

續輯均州志

卷之六

壇廟

九

文昌帝君廟舊建閣於南關外迎恩樓歲久傾欹嘉慶

初燬康熙十九年知州王民皞與邑人士建殿宇

於南陽書院基內西偏恭移

帝君像祀焉歷百有餘年椽題漸就朽窳嘉慶二年

邑人丁元俊鳩工補葺加以黝堊且因

神座去門楹咫尺每祭祀跼拜趨踰過於偪仄捐貲

增建複殿三楹咸豐六年奉

上諭升人中祀每歲春秋仲月及二月初三日致祭廟

前迤東有魁星樓在城上舊在東南隅乾隆五十



八年重修光緒六年冬邑人士呈請州牧馬雲龍  
籌款移建於巽字正位壘石爲臺高一丈九尺甄  
材於玉虛宮山麓得大木十二章大可合抱長五  
丈有奇自辛巳夏四月興役迄癸未夏六月告成  
層樓巍峙棟桴高驥預卜人文蔚起也

祭品 與關帝廟同

樂章

丕平之章 迎神

秉氣兮靈躔翊文運兮赫中天蜺旌兮戾止雕俎

續輯均州志 卷之六 壇廟

兮告虔迓

神庥兮於萬斯年

俶平之章 初獻

神之來兮邊簋式陳

神之格兮几筵式親極昭彰兮靈貺致蠲潔兮明禮

升香兮伊始居歆兮佑我人民

煥平之章 亞獻

再酌兮瑤觴燦爛兮庭燎之光申虔禱兮

神座儼降兮



帝旁粢醴潔兮齋遯將綏景運兮靈長

煜平之章 終獻

禮成三獻兮樂奏三終覃敷元化兮絜

神功馨香達兮肝鬢通歆明德兮昭察寅衷

懿平之章 徹饌

備物兮惟時告徹兮終禮儀

神悅懌兮鑒在茲垂鴻佑兮累洽重熙

蔚平之章 送神奏其一 望燎奏其二

雲駟駕兮風旂招

續輯均州志 卷之六 壇廟

七

神之歸兮天路遙瞻翠葆兮企丹霄願迴靈眷兮福

我朝 其一

烟燼降兮元氣和

神光燭兮梓潼之阿化成耆定兮橐弓戢戈文治光

兮受福則那 其二

祝文

惟

神道闡苞符性敦孝友並行並育德侔天地以同流  
乃聖乃神教炳日星而大顯仰鑒觀之有赫示明



德之惟馨茲當仲春用昭時享惟祈

歆格克鑒精虔尚饗

二月初三日祝文

惟

神功參橐籥撰合乾坤溯誕降之靈辰三台紀瑞度  
中和之令節九宇承暉若日月之有光明闡天文  
於孝友如天地無不覆載感至治於馨香爰舉上  
儀敬陳芳薦精禋罔斁

神鑒式臨尚饗

續輯均州志

卷之六

壇廟

七

後殿咸豐十年知州熊登瀛籌建祀

文昌帝君先代神位

祭品

與關帝廟後殿同

祝文

教貽式穀垂抑邪扶正之規禮重升馨著崇德報  
功之典載稽譜牒祇肅苾芬惟

文昌帝君學裕本原道參位育緬馨香之至治久極  
尊崇申報享之隆文宜昭誠敬聿升中祀式舉上  
儀於戲德迪前光十七世仁風普洽慶餘積善億



萬年文運長新敬布明禋尙祈

昭鑒尙饗

二月初三日祝文

惟

文昌帝君道備中和神超亭毒稟貽謀而允紹欽毓

聖之有基雲漢昭回際嶽降崧生之會馨香感格

興水源木本之思式肇明禋用光彝典尙祈

神鑒高此清芬尙饗

公產

附

續輯均州志

卷之六

壇廟

三

一山坡一分在南鄉草店羊圈子溝登高嶺銅錢

壩東至銅錢壩西至河心南至張朝舉地北至龜山宋舉分水查此地原係學山經佃戶方

三善冒領執照承種道光四年知州胡源清理規復撥給文昌宮

一道光年間熊楚文捐坡地一分在南鄉大土灣

官路西

東至陳姓地南至分水西至大嶺分水北至陳姓地

一道光四年武生郭繡珍捐水田山坡一分在浪

河杜家溝東南至郭姓田埂西北至郭姓地又山扒一段在杜家溝口東至大嶺分

水南至郭姓扒邊西至坡腳北至郭姓扒邊小漕直上大嶺分水

一道光九年熊楚文捐坡地一分在南鄉大土灣



官路西斗峯山

東北至陳姓地直上斗峯山尖交齊姓分水西至大嶺分水南

上至古渠心交陳姓地楞塍

一道光十三年李郭氏捐山坡坪地一分在南鄉

丁家營都官廟

東至元嶺分水西至河外老河心南至李姓坡腳下至董姓河

心北至自在庵地

城隍廟在西門街始建無考嘉慶十五年署知州

秦鍾英重建正殿三楹拜殿三楹後殿日就朽

蠹同治九年知州馬襄高其基址重新修建

八蜡廟在南關內王公祠久圯假淨樂宮真官殿

續輯均州志

卷之六

壇廟

十四

致祭雍正十二年奉文有司歲十二月上戊日

以先嗇司嗇居正位東上農及郵表畷防水庸

貓虎昆蟲六神位分設左右祀之

火星廟在城南三里順治十五年重修雍正初圯

於水四年知州高澤甯重建乾隆十一年補修

藥王廟在南關內明萬曆四十年建有碑

劉猛將軍舊無廟假淨樂宮真官殿致祭

按神名承忠元時官指揮能捕蝗世稱劉猛將

軍同治五年



封號普佑

龍神舊無祠歷年假城外龍王廟致祭光緒元年署知州王培厚相地於北門內王家巷籌款倡修二年知州舒藻成之

鄮侯祠在州署內東偏舊西向光緒二年知州馬雲龍改建南向

呂祖祠在迎恩樓外明萬曆十五年重修有碑又一在城內大街

名宦祠

續輯均州志 卷之六 壇廟

五

鄉賢祠

忠義孝弟祠

節孝祠 以上四祠詳學校

昭忠祠在北門內 關帝廟右光緒元年署知州

王培厚建二年知州舒藻成之祀

襄陽府司獄李鍾 大興人嘉慶六年委辦糧站於州南悟真觀賊至被擒不屈死

均光營把總莫成先 咸豐三年田家鎮打仗陣亡

均光營經制外委杜正己 咸豐二年武昌省打仗陣亡

均光營經制外委海明泰 咸豐三年出師打仗陣亡



凌飛熊

河南內鄉監生成豐七年在州東北白石河打仗陣亡

馬同德

河南內鄉六品軍功成豐七年在州東北白石河打仗陣亡

柴扶清

皮老五

周萬青

崔永合

段起順

張廷獻

張儒首

楊登舉

張發成

郭遂成

魯 琚

魯 全

徐文顯

李 湖

李玉明

張 儉

凌向賢

凌向瑞

凌向亮

凌向參

賈洪道

續輯均州志

卷之六

壇廟

六

張廷誠

王國楹

張學敏

楊 印

柯老二

涂世魁

李三根

吳開元

吳 山

單 書

陳正炳

郭起有

俱河南內鄉縣

鄉勇成豐七年在州東北王家嶺白石河打仗陣亡

餘祀歷次出師打仗陣亡弁紳兵勇係本邑者

俱詳人物忠義

以上有司歲時致祭

泰山廟一在州南五里今廢一在州北五里



三皇廟在州南五里明嘉靖年提督太監黃勳建

舜廟在州東南八十五里姚子鋪明萬历年分守道

詹貞吉鼎新之尙書陳大道撰碑記

禹王廟水經注在龍巢山頂相傳大禹導水至此故

立廟祀焉

三義廟在州東南五里龍巢山下今廢

三元宮在州南火星廟前明嘉靖年提督太監王

佐重建

天符廟在城外梧桐巷明萬历年重建

續輯均州志

卷之六 壇廟

七

國朝康熙雍正間知州張大經錢世俊修葺俱有碑

龍王廟在城南里許漢江濱一在滄浪亭右號普

濟龍王廟明嘉靖丙辰提督太監王佐重建郡

人陳詔有記

水府廟在城外光彩巷口乾隆二十五年重修

馬王廟在西城樓迤北道光三年參將柯蒙額守

備于兆麟暨左哨各弁捐修

二龍廟一在州北五十里一在臨江橋南文家廠

光緒三年創建正殿三楹



揚泗廟一在州東亂石灘一在東城外咸豐七年  
知州吳嗣仲移建保安門城上以聽滄名其樓  
按舊志載蕭公廟二俱與此廟坐落同蕭公  
廟無考是一是兩均難臆斷闕之

老官廟在州東九十里青山港嘉慶十三年重修  
威烈廟在州北里許祀唐武當節度使姚簡

按簡在均有惠政後解組隱武當山及卒禦  
災旱患屢著靈異勅封威烈王立廟祀之明  
知州范大儒重修今廢

應山廟在州西北二十里

中嶺廟在州北三十里

雙廟在州西三十里

晉公廟在州南二十里山上

都官廟在州東南七十五里

黑虎廟一在州南九十里九渡澗一在州西九十  
里建於唐舊有駐防校軍廠寇盡裁汰基歸廟

都土地祠在城內西街明天啟三年重建

比干祠在州西五里宋時其後裔有居均者知州



楊恢因立祠祀焉以勸忠勵俗廣輿記今廢

王公祠在州南四十里石板灘祀明知州王家業

佟公祠在州東北五里槐樹關祀

國朝知州佟國弼

按二公在均修築防堰遺愛在民立廟祀焉

寺觀

報恩寺在城內思誠坊唐中宗時創建明啟正間

重修前殿正殿陪殿最後藏經殿地今各三楹

國朝迭施補葺咸豐八年知州熊登瀛加黝堊焉

續輯均州志

卷之六 寺觀

九

考唐書太宗第四子名泰初封宜都王貞觀十

七年改封順陽王徙居均州之鄖鄉縣二十一

年進封濮王鄖縣志載濮王薨如閻氏捨宅為

延壽宮後改乾明寺按唐鄖鄉即今鄖縣王既

徙居鄖鄉州安得有宮今鄖縣西百二十里有

乾明寺傳為濮王故宮遺址府志以報恩寺為

濮王故宮誤又按唐光宅元年遷廬陵王於均

州今寺碑載中宗年建或為廬陵王故宮然不

可考存疑可耳



觀音寺在平安門內明宏治六年建

國朝康熙六年增修道光四年知州胡源重修

樂亭寺在州東八十里道光二十年重修

羅漢寺在州南二十里土橋西

青石寺在州南百里

界山寺在州南百二十里

興華寺在州西二十里蠶川村明洪武年建隆慶  
年重修

國朝乾隆二十五年補修

續輯均州志

卷之六

寺觀

二十

雲臺寺在州西二十五里紫山下上應天臺時出  
祥雲能爲霖雨以救旱魃故名元至正年建明  
嘉靖二十二年重修有碑今廢

鴛鴦寺在州西一百五里明建

國朝康熙乾隆嘉慶中迭經重修俱有碑

蓮臺寺在州西一百五里白浪村南十二連山之  
麓乾隆四十九年邑人魯端俊募貲重修學正

易履泰有記

詳藝文

石佛寺在州西南百六十里明宏治十七年重修



鐵佛寺在州北三十五里明建久廢

國朝光緒元年邑人盧姓獨力捐貲重修正殿三間

平陽寺在州北七十里

龍泉寺在州東北二十里上有東漢初巨無霸寨

武崇觀在州東九十里小尖山明嘉靖年建

凌波觀在州東九十里小觀山上康熙年建

迎真觀在州北二十里方山頂

火龍觀在州北六十里前明建

福壽庵在都土地祠北

續輯均州志

卷之六

寺觀

三

準提庵一在保安門內舊西向乾隆中重建易西

而北道光光緒年俱補修一在州南二十里土

橋街

白衣庵一在王家巷西乾隆四十年重修一在報

恩寺後右側乾隆五十年知州楊大猷重修咸

豐十年補修

樂都庵在古樂都村後卽今上橫山灣

青水庵在州東九十里

觀音閣在州東二里滄浪亭左



觀音堂在州西一百十里白浪村明建

國朝乾嘉間重修有碑

玉虛宮在州西南七十里展旗峯北太嶽志作州南一百二十

里康熙四十二年

御製清虛至德匾額

太和宮在州西南一百二十里天柱峯頂康熙四

十二年

御製金光妙相匾額乾隆四十三年

御製天柱樞光匾額

續輯均州志

卷之六

寺觀

三

淨樂宮在城內中衢北康熙四十二年

御製默贊皇猷匾額

紫霄宮在州西南九十里展旗峯下太嶽志作一百二十里誤

南巖宮在州西南一百里跨崖立宮康熙四十二

年

御製曲成萬物匾額

五龍宮在州西南百二十里靈應峯下

遇真宮在州南五十五里仙關外太嶽志作一百二十里誤

迎恩宮在州南四十里迎恩橋南太嶽志作三十里誤



元和觀在州南六十里

復真觀在州南八十五里

以上八宮二觀俱詳見太和山紀畧

悟真觀

原名周府庵

康熙四十二年

御製仙錄崇虛匾額

玉清觀

原名晉府庵

太清觀

原名襄府庵

知白觀

原名慶府庵

守真觀

原名秦府庵

紫陽觀

原名楚府庵

無餘觀

原名崇府庵

無為觀

原名潞府庵

開濟觀

原名瑞府庵

閑心觀

原名福府庵

元始觀

原名沐府庵

續輯均州志

卷之六

寺觀

三

以上更名觀十一康熙二十五年知州江公闓

以名目僭濫詳請改正餘庵觀祠廟凡隸武當

山者俱詳載太和山紀畧茲不備錄

關帝廟在南關內東偏康熙四十一年山陝商人

同建

天后宮在南關東道光二十四年福建商人建

許真君廟在城外魏家巷南乾隆四年江西商人

建